

„Mektepska nastava je temeljni oblik islamskog odgoja i obrazovanja u džematu“ a „cilj i zadatak mektepske nastave je da pripremi i osposobi polaznike mektepske nastave da žive u skladu sa islamskim propisima“. Ovo su odredbe izmijenjenog i dopunjenog Pravilnika o mektebima i mektepskoj nastavi iz 2007. godine (član 2. i član 4.).

Mektepska nastava je specifičan vid nastave koji se odvija kroz odgojno-obrazovne ustanove IZ-e, na 1794 (podaci iz 2008.) lokacije u Bosni i Hercegovini. Mektepskom nastavom je obuhvaćeno blizu 100.000 naše djece. (Statistički podaci VPS IZ u BiH o mektebima, mektepskoj nastavi i polaznicima mogu se vidjeti na <http://www.rijaset.ba/mekteb/mektebi/statistika>.)

I pored nastojanja Vjersko-prosvjetne službe Rijasetu IZ u BiH, kako kroz zakonske akte, kontrole, dopise i savjetovanja, posjete terenu, te časnim i vrijednim muallimama i muallimima nastava u mektebima još uvijek nije na zadovoljavajućem nivou. Mektepska infrastruktura uglavnom ne zadovoljava uslove potrebne za rad, iako je jedan od važnih preduslova za kvalitetno izvođenje mektepske nastave (Službeni podaci Vjersko-prosvjetne službe za 2008.godinu pokazuju da je od 1794 mektepske učionice samo 961 opremljen za rad, što znači da 46,5 % mekteba nema uslove za rad.).

O „mektepskim temama i problemima“, kroz glasila Islamske zajednice u BiH relativno često se govori, a Redakcija *Novog Muallima* u ovom broju odlučila je ponuditi našim čitaocima još jednu perspektivu koja bi bila od pomoći onima, na čijim je „srcima i rukama“ najveći teret mektepske nastave.

U rubrici FORUM na ovu temu pišu dr. Samir Beglerović, Edina Kos-Burić, Fikret ef. Pašanović, Sulejman ef. Kurtanović i Elvedin ef. Klisura.

Prilog autora Izet I. Mustafića sve češćem „promišljanju“ moguće reforme institucije hatabeta u BiH donosimo u rubrici PUTOKAZI. Rubrika SAGLEDAVANJA ovoga puta sadrži tekstove dr. Aide Abadžić Hodžić „Kultura sjećanja i kritičko propitivanje tradicije moderniteta: važnost sedme i osme decenije 20. stoljeća u bh. kulturnoj historiji“, te prijevod teksta pod nazivom “Islam - jedna evropska tradicija“ Silvie Horsch. Autori u rubrici MUALLIM su dr. Sead Seljubac, Sabaheta Ahmetagić, dr. Enes Huseinagić, Mersiha Jusić, Hišam Hafizović, Abdulah Arifović i Amir Čauš. Samedin Kadić u ovom broju vodi MUALLIMOV INTERVJU sa dr. Erminom Sinanovićem. Vašoj pažnji preporučujemo i radove u rubrikama MUALLIMOV ESEJ, TEFSIR, MUALLIMOVA HUTBA te PREGLED.

Senada TAHIROVIĆ